

註解傷寒論卷第六

漢張仲景著

晉王叔和撰

宋成無已註

明汪通值校正

辨太陰脉證并治第十

太陰之為病腹滿而吐食不下自利甚時腹自痛若下之必胃下結鞭

太陰為病陽邪傳裏也太陰之脈在胃中邪氣壅而為腹滿上不得降者嘔吐而食不下下不得升者自利益甚時腹自痛陰寒在內謂為腹痛者為常痛此陽邪干裏雖痛而亦不常痛



但時時腹自痛也若下之則陰邪留於胃下爲結鞭經曰病發於陰而反下之因作痞

太陰中風四肢煩疼陽微陰澁而長者爲欲愈

太陰脾也主營四末太陰中風四肢煩疼者風溼末疾也表邪少則微裏向和則澁而長者陽也陰病見陽脉則生以陰得陽則解故云欲愈

太陰病欲解時從亥至丑上

脾爲陰土主於丑亥子向王故云解時

太陰病脉浮者可發汗宜桂枝湯

經曰浮爲在表沉爲在裏太陰病脉浮者邪在經也故當汗散之

自利不渴者屬太陰以其藏有寒故也當溫之宜服四逆輩

自利而渴者屬少陰爲寒在下焦自利不渴者屬太陰爲寒在中焦與四逆等湯以溫其藏

傷寒脉浮而緩手足自溫者繫在太陰太陰當發

身黃若小便自利者不能發黃至七八日雖暴煩

下利日十餘行必自止以脾家實腐穢當去故也

太陰病至七八日大便鞅者爲太陰入府傳於

陽明也今至七八日暴煩下利十餘行者脾家實腐穢去也下利煩燥者死此以脾氣和逐邪下泄故雖暴煩下利日十餘行而利必自止本太陽病醫反下之因而腹滿時痛者屬太陰也桂枝加芍藥湯主之

表邪未罷醫下之邪因乘虛傳於太陰裏氣不和故腹滿時痛與桂枝湯以解表加芍藥以和裏

太實痛者桂枝加大黃湯主之

太陰爲病脈弱其人續自便利設當行大黃芍藥者宜減之以其人胃氣弱易動故也
腹滿痛者太陰病也脈弱其人續自便利則邪雖在裏未成大實欲與大黃芍藥攻滿痛者宜少與之以胃氣尚弱易爲動利也
辨少陰病脈證并治第十一
少陰之爲病脈微細但欲寐也

少陰爲病脈微細爲邪氣傳裏深也衛氣行於陽則寤行於陰則寐邪傳少陰則氣行於陰而不行於陽故但欲寐

少陰病欲吐不吐心煩但欲寐五六日自利而渴者屬少陰也虛故引水自救若小便色白者少陰病形悉具小便白者以下焦虛有寒不能制水故令色白也

欲吐不吐心煩者表邪傳裏也若腹滿痛則屬太陰此但欲寐則知屬少陰五六日邪傳少陰之時自利不渴者寒在中焦屬太陰此自利而渴為寒在下焦屬少陰腎虛水燥渴欲引水自救下焦虛寒不能制水小便色白也經曰下利欲飲水者以有熱故也此下利雖渴然以小便

色白明非裏熱不可不察

病人脈陰陽俱緊反汗出者亡陽也此屬少陰法當咽痛而復吐利

少脈陰陽俱緊為少陰傷寒法當無汗反汗出者陽虛不固也故云亡陽以無陽陰獨是屬少陰內經曰邪客少陰之絡令人嗌痛不可內食少陰寒甚是當咽痛而復吐利者為邪在少陰與少陰病欬而下利譏語者被火氣劫故也小便必難以強責少陰汗也

欬而下利裏寒而亡津液也反以火劫強責少

陰汗者津液內竭加火氣煩之故讖語小便難也

少陰病脉細沉數病爲在裏不可發汗

少陰病始得之反發熱脉沉者爲邪在經可與麻黃附子細辛湯發汗此少陰病脉細沉數爲病在裏故不可發汗

少陰病脉微不可發汗亡陽故也陽已虛尺脉弱瀋者復不可下之

脉微爲亡陽表虛不可發汗脉弱瀋爲亡陽裏虛復不可下

少陰病脉緊至七八日自下利脉暴微手足反温脉緊反去者爲欲解也雖煩下利必自愈

少陰病脉緊者寒甚也至七八日傳經盡欲解之時自下利脉暴微者寒氣得泄也若陰寒勝正陽虛而泄者則手足厥而脉緊不去今手足反温脉緊反去知陽氣復寒氣去故爲欲解下利煩燥者逆此正勝邪微雖煩下利必自止少陰病下利若利自止惡寒而蹠卧手足温者可

治

少陰病下利惡寒蹠卧寒極而陰勝也利自止

手足溫者裏和陽氣得復故為可治

少陰病惡寒而踈時自煩欲去衣被者可治

惡寒而踈陰寒甚也時時自煩欲去衣被為陽氣得復故云可治

少陰中風脈陽微陰浮者為欲愈

少陰中風陽脈當浮而陽脈微者表邪緩也陰脈當沉而陰脈浮者裏氣和也陽中有陰陰中有陽陰陽調和故為欲愈

少陰病欲解時從子至寅上

少陽生於子子為一陽丑為二陽寅為三陽少陰

解於此者陰得陽則解也

少陰病吐利手足不逆冷反發熱者不死脈不至者灸少陰七壯

經曰少陰病吐利躁煩四逆者死吐利手足不

厥冷者則陽氣不衰雖反發熱不死脈不至者

吐利暴虛也灸少陰七壯以通其脈

少陰病八九日一身手足盡熱者以熱在膀胱必

便血也

膀胱太陽也少陰太陽為表裏少陰病至八九

日寒邪變熱復傳太陽太陽為諸陽主氣熱在

太陽故一身手足盡熱太陽經多血少氣爲熱所乘則血散下行必便血也

少陰病但厥無汗而強發之必動其血未知從何道出或從口鼻或從目出是名下厥上竭爲難治但厥無汗熱行於裏也而強發汗虛其經絡熱乘經虛迫血妄行從虛而出或從口鼻或從目出諸厥者皆屬於下但厥爲下厥血亡於上爲上竭傷氣損血邪甚正虛故爲難治

少陰病惡寒身踈而利手足逆冷者不治
針經曰多熱者易已多寒者難已此內外寒極

純陰無陽故云不治

少陰病吐利燥煩四逆者死

吐利者寒甚於裏四逆者寒甚於表燥煩則陽氣欲絕是知死矣

少陰病下利止而頭眩時時自冒者死

下利止則水穀竭眩冒則陽氣脫故死

少陰病四逆惡寒而身踈脈不至不煩而躁者死

四逆惡寒而身踈則寒甚脈不至則真氣絕煩熱也躁亂也若憤躁之躁從煩至躁爲熱來有漸則猶可不煩而躁是氣欲脫而爭也譬猶燈

將滅而暴明其能久乎

少陰病六七日息高者死

腎為生氣之源呼吸之門少陰病六七日不愈而息高者生氣斷絕也

少陰病脉微細沉但欲卧汗出不煩自欲吐至五六日自利復煩躁不得卧寐者死

陰氣方盛至五六日傳經盡陽氣得復則愈反更自利煩燥不得卧寐則正氣弱陽不能復病

勝藏故死

少陰病始得之反發熱脉沉者麻黃附子細辛湯

至之麻黃附子細辛湯方

少陰病當無熱惡寒反發熱者邪在表也雖脉

沉以始得則邪氣未深亦當溫劑發汗以散之

麻黃附子細辛湯方

麻黃二兩去節細辛二兩附子一枚炮去皮

和內經曰寒淫於內治以甘熱佐以苦辛以辛潤

之麻黃之甘以解少陰之寒細辛附子之辛以

溫少陰之經

右三味以水一斗先煮麻黃減二升去上沫內藥

煮取三升去滓溫服一升日三服

少陰病得之二三日麻黃附子甘草湯微發汗以
二三日無裏證故微發汗也

二三日邪未深也既無吐利厥逆諸裏證則可
與麻黃附子甘草湯微汗以散之

麻黃附子甘草湯方

麻黃

二兩

去節

甘草

二兩

附子

一枚炮

麻黃甘草之甘以散表寒附子之辛以溫寒氣

右三味以水七升先煮麻黃一兩沸去上沫內諸

藥煮取三升去滓溫服二升日三服

少陰病得之二三日以上心中煩不得卧黃連阿

膠湯主之

脈經曰風傷陽寒傷陰少陰受病則得之於寒

二三日已上寒極變熱之時熱煩於內心中煩

不得卧也與黃連阿膠湯扶陰散熱

黃連阿膠湯方

黃連

四兩

苦寒

黃芩

二兩

苦寒

芍藥

二兩

酸平

雞子黃

二枚

阿膠

二兩

甘溫

陽有餘以苦除之黃芩黃連之苦以除熱陰不

足以甘補之雞子黃阿膠之甘以補血酸收也泄

也芍藥之酸收陰氣而泄邪熱

右五味以水五升先煮三物取二升去滓內膠烱
盡小冷內鷄子黃攪令相得溫服七合日三服
少陰病得之一二日口中和其背惡寒者當灸之
附子湯主之

少陰客熱則口燥舌乾而渴口中和者不苦不
燥是無熱也背為陽背惡寒者陽氣弱陰氣勝
也經曰無熱惡寒者發於陰也灸之助陽消陰
與附子湯溫經散寒

附子湯方

附子

二枚破八片
去皮辛熱

茯苓

三兩
其平

人參

二兩
其溫

白朮

四兩
其溫

芍藥

三兩
其平

辛以散之附子之辛以散寒其以緩之茯苓人
參白朮之其以補陽酸以收之芍藥之酸以扶
陰所以然者偏陰偏陽則為病火欲實水當平
之不欲偏勝也

右五味以水八升煮取三升去滓溫服一升日三
服

少陰病身體痛手足寒骨節痛麻沉者附子湯主
之

少陰腎水而主骨節身體疼痛支冷脉沉者寒

盛於陰也身疼骨痛若脈浮手足熱則可發汗
此手足寒脈沉故當與附子湯溫經

少陰病下利便膿血者桃花湯主之

陽病下利便膿血者協熱也少陰病下利便膿
血者下焦不約而裏寒也與桃花湯固下散寒

桃花湯方

赤石脂

一斤一半全用乾薑

粳米

半升

瀉可去脫赤石脂之瀉固腸胃辛以散之乾薑
之辛以散裏寒粳米之甘以補正氣

右三味以水七升煮米令熟去滓溫服七合內赤

石脂末方寸匕日三服若一服愈餘勿服

少陰病二三日至四五日腹痛小便不利下利不

止便膿血者桃花湯主之

二三日以至四五日寒邪入裏深也腹痛者裏寒

也小便不利者水穀不別也下利不止便膿血

者腸胃虛弱下焦不固也與桃花湯固腸止利

也

少陰病下利便膿血者可刺

重焦血氣留聚腐化則為膿血刺之以利下焦

宣通血氣

少陰病吐利手足厥冷煩躁欲死者吳茱萸湯主之

吐利手足厥冷則陰寒氣甚煩躁欲死者陽氣

內爭與吳茱萸湯助陽散寒

少陰病下痢咽痛胃滿心煩者猪膚湯主之

少陰之脈從腎上貫肝膈入肺中循喉嚨其

支別者從肺出絡心注胃中邪自陽經傳於少

陰陰虛客熱下利咽痛胃滿心煩也與猪膚湯

調陰散熱

猪膚湯方

猪膚一斤

猪水畜也其氣先入腎少陰客熱是以猪膚解之加白蜜以潤燥除煩白粉以益氣斷利

右共味以水一斗煮取五升去滓加白蜜一升白

粉五合熬香和相得温分六服

少陰病二三日咽痛者可與甘草湯不差者與桔

梗湯

其陽邪傳於少陰邪熱為咽痛服甘草湯則差若

寒熱相搏為咽痛者服甘草湯若不差與桔梗

湯以和少陰之氣

甘草湯方

甘草 二兩

右一味以水三升煮取一升半去滓溫服七合日

二服

桔梗湯方

桔梗 一兩 辛 微溫

甘草 二兩 平

合以調寒熱 桔梗辛溫以散寒甘草味甘平以除熱桔梗相

右二味以水三升煮取一升去滓分溫再服

少陰病咽中傷生瘡不能語言聲不出者苦酒湯

主之 熱傷於絡則經絡乾燥使咽中傷生瘡不能言

語聲不出者與苦酒湯以解絡熱愈咽瘡

苦酒湯方

半夏 十枚 洗破如棗核大

雞子 一枚 去黃內土 苦酒 微寒

辛以散之半夏之辛以發聲音甘以緩之雞子

之甘以緩咽痛酸以收之苦酒之酸以斂咽瘡

右二味內半夏著苦酒中以雞子殼置刀鐮中安

右二味內半夏著苦酒中以雞子殼置刀鐮中安

火上令三沸去滓少少含嚥之不差更作三劑
少陰病咽中痛半夏散及湯主之

甘草湯主少陰客熱咽痛桔梗湯主少陰寒熱
相搏咽痛半夏散及湯主少陰客寒咽痛也

半夏散及湯方

半夏洗辛

桂枝去皮辛熱

甘草炙其平以各等分

內經曰寒淫所勝平以辛熱佐以甘苦半夏桂
枝之辛以散經寒甘草之甘以緩正氣

已上三味各別搗篩已合治之白飲和服方寸匕
日三服若不能散服者以水一升煎七沸內散兩

方寸匕更煎三沸下火令小冷少少嚥之

少陰病下利白通湯主之

少陰主水少陰客寒不能制水故自利也白通

湯溫裏散寒

白通湯方

葱白四莖辛溫 乾薑一兩辛熱 附子一枚生用去皮破八片辛熱

內經曰腎苦燥急食辛以潤之葱白之辛以通

陽氣薑附之辛以散陰寒

右三味以水三升煮取一升去滓分溫再服

少陰病下利脈微者與白通湯利不止厥逆無脈

乾嘔煩者白通加猪膽汁湯主之服湯脉暴出者死微續者生

少陰病下利脉微為寒極陰勝與白通湯復陽散寒服湯利不止厥逆無脉乾嘔煩者寒氣大甚內為格拒陽氣逆亂也與白通湯加猪膽汁湯以和之內經曰逆而從之從而逆之又曰逆者正治從者反治此之謂也服湯脉暴出者正氣因發泄而脫也故死脉微續者陽氣漸復也

故生白通加猪膽汁方
白通加猪膽汁方
下火令小令少少入

葱白

四莖

乾薑

一两

附子

一枚

生去皮破八片

人尿

五合

猪膽汁

一合

苦寒

其內經曰若調寒熱之逆冷熱必行則熱物冷服下噤之後冷體既消熱性便發由是病氣隨愈嘔噦皆除情且不遺而致大益此和人尿猪膽汁鹹苦寒物於白通湯熱劑中要其氣相從則可以去格拒之寒也

已上三味以水三升煮取一升去滓內膽汁人尿和令相得分温再服若無膽亦可用
少陰病二三日不已至四五日腹痛小便不利四

肢沉重疼痛自下利者此為有水氣其人或欬或
小便利或下利或嘔者真武湯主之

少陰病二三日則邪氣猶淺至四五日邪氣已

深腎主水腎病不能制水水飲停為水氣腹痛

者寒濕內甚也四肢沉重疼痛寒濕外甚也小

便不利自下利者濕勝而水穀不別也內經曰

濕勝則濡泄與真武湯益陽氣散寒濕

真武湯方

茯苓二兩

芍藥二兩

生薑二兩切

白朮二兩

附子一枚炮去皮

辛溫

脾惡濕甘先入脾茯苓白朮之甘以益脾逐水

寒淫所勝平以辛熱濕淫所勝佐以酸平附子

芍藥生薑之酸辛以溫經散濕

右五味以水八升煮取三升去滓溫服七合日三

服後加減法

若欬者加五味半升細辛乾薑各一兩

氣逆欬者五味子之酸以收逆氣水寒相搏則

若欬細辛乾薑之辛以散水寒

若小便利者去茯苓

若小便利則無伏水故去茯苓

若下利者去芍藥加乾薑二兩

芍藥之酸泄氣乾薑之辛散寒

若嘔者去附子加生薑足前成半斤

氣逆則嘔附子補氣生薑散氣千金曰嘔家多

服生薑此為嘔家聖藥

少陰病下利清穀裏寒外熱手足厥逆脈微欲絕

身反不惡寒其人面赤色或腹痛或乾嘔或咽痛

或利止脈不出者通脈四逆湯主之

下利清穀手足厥逆脈微欲絕為裏寒身熱不

惡寒面色赤為外熱此陰甚於內格陽於外不

脈相通也與通脈四逆湯散陰通陽

通脈四逆湯方

甘草二兩附子大者一枚生用去皮破八片

乾薑三兩強入

右三味以水三升煮取一升二合去滓分溫再服

其脈即出者愈

面色赤者加葱九莖

腹中痛者去葱加芍藥二兩

芍藥之酸通寒利腹中痛為氣不通也

通脈四逆湯方

嘔者加生薑二兩

辛以散之嘔為氣不散也

咽痛者去芍藥加桔梗一兩

咽中如結加桔梗則能散之

利止脉不出者去桔梗加人參二兩

利止脉不出者亡血也加人參以補之經曰脉

微而利亡血也四逆加人參湯主之脉病皆與

方相應者乃可服之

少陰病四逆其人或欬或悸或小便不利或腹中

痛或泄利下重者四逆散主之

四逆者四肢不温也傷寒邪在三陽則手足必
熱傳到太陰手足自温至少陰則邪熱漸深故
四肢逆而不温也及至厥陰則手足厥冷是又
甚於逆四逆散以散傳陰之熱也

四逆散方

枳實破水漬炙

甘草炙

芍藥酸微

柴胡苦寒 枳實破水漬炙 芍藥酸微

內經曰熱淫於內佐以甘苦以酸收之以苦發

之枳實甘草之甘苦以泄裏熱芍藥之酸以收陰

氣柴胡之苦以發表熱

右四味各拾分搗篩白飲和服方寸匕日三服
欬者加五味子乾薑各伍分并主下痢

肺寒氣逆則欬五味子之酸收逆氣乾薑之辛
散肺寒并主下痢者肺與大腸為表裏上欬下
痢治則頗同

悸者加桂枝伍分

悸者氣虛而不能通行心下築築然悸動也桂
猶圭也引導陽氣若熱以使

小便不利者加茯苓伍分

茯苓味甘而淡用以滲泄

腹中痛者加附子一枚炮令拆

裏虛遇邪則痛加附子以補虛

泄利下重者先以水五升煮薤白三升煮取三升
去滓以散三方寸匕內湯中煮取一升半分溫再

服

泄利下重者下焦氣滯也加薤白以泄氣滯

少陰病下利六七日欬而嘔渴心煩不得眠者猪
苓湯主之

下利不渴者裏寒也經曰自利不渴者屬太陰
以其藏寒故也此下利嘔渴知非裏寒心煩

不得眠知協熱也與猪苓湯滲泄小便分別水
穀經曰復不止當利其小便此之謂歟

少陰病得之二三日口燥咽乾者急下之宜大承
氣湯

傷寒傳經五六日邪傳少陰則口燥舌乾而渴
為邪漸深也今少陰病得之二三日邪氣未深
入之時便作口燥咽乾者是邪熱已甚腎水乾
也急與大承氣湯下之以全腎也
少陰病自利清水色純青心下必痛口乾燥者急
下之宜大承氣湯

少陰腎水也青肝色也自利色青為肝邪乘腎
難經曰從前來者為實邪以腎蘊實邪必心下
痛口乾燥也與大承氣湯以下實邪

少陰病六七日腹脹不大便者急下之宜大承氣
湯

此少陰入府也六七日少陰之邪入府之時陽
明內熱壅甚腹滿不大便也陽明病土勝腎水
則乾急與大承氣湯下之以救腎水

少陰病脉沉者急温之宜四逆湯

既吐且利小便復利而大汗出下利清穀內寒

外熱脈微欲絕者不云急溫此少陰病脈沉而云急溫者彼雖寒甚然而證已形見於外治之則有成法此初頭脈沉未有形證不知邪氣所之將發何病是急與四逆湯溫之

少陰病飲食入口則吐心中溫溫欲吐復不能吐始得之手足寒脈弦遲者此胃中實不可下也當吐之若膈上有寒飲乾嘔者不可吐也急溫之宜四逆湯

傷寒表邪傳裏至於少陰少陰之脈從肺出絡心注胃中邪既留於胃中而不散者飲食入口

則吐心中溫溫欲吐陽受氣於胃中邪既留於胃中則陽氣不得宣發於外是以始得之手足寒脈弦遲此是胃中實不可下而當吐其膈上有寒飲亦使入心中溫溫而手足寒吐則物出嘔則物不出吐與嘔別焉胃中實則吐而物出若膈上有寒飲則但乾嘔而不吐也此不可吐可與四逆湯以溫其膈

少陰病下利脈微澁嘔而汗出必數更衣反少者當溫其上灸之

脈微爲亡陽澁爲亡血下利嘔而汗出亡陽亡

傷寒論卷之六
辨厥陰病脈證并治第十二
血也津液不足裏有虛寒必數更衣反少者溫
其上以助其陽也灸之以消其陰

厥陰之爲病消渴氣上撞心中疼熱飢而不欲
食食則吐蛇下之利不止

邪傳厥陰則熱已深也邪自太陽傳至太陰則
腹滿而噎乾未成渴也邪至少陰者口燥舌乾
而渴未成消也至厥陰成消渴者熱甚能消水
故也飲水多而小便少者謂之消渴木生於火
肝氣通心厥陰客熱氣上撞心中疼熱傷寒

六七日厥陰受病之時爲傳經盡則當入府胃
虛客熱飢不欲食蛇在胃中無食則動聞食嗅
而出得食吐蛇此熱在厥陰經也若便下之虛
其胃氣厥陰木邪相乘必吐下不止

厥陰中風脈微浮爲欲愈不浮爲未愈
經曰陰病見陽脈而生浮者陽也厥陰中風脈
微浮爲邪氣還表向汗之時故云欲愈

厥陰病欲解時從寅至卯上

厥陰木也至於卯丑寅向王故爲解時

厥陰病渴欲飲水者少少與之愈

傷寒論卷之六
邪至厥陰爲傳經盡欲汗之時渴欲得水者少
少與之胃氣得潤則愈
諸四逆厥者不可下之虛家亦然

四逆者四肢不溫也厥者手足冷也皆陽氣少
而陰氣多故不可下虛家亦然下之是爲重虛
金匱玉函曰虛者十補勿一瀉之

傷寒先厥後發熱而利者必自止見厥復利

陰氣勝則厥逆而利陽氣復則發熱利必自止
見厥則陰氣還勝而復利也

傷寒始發熱六日厥反九日而利凡厥利者當不

能食今反能食者恐爲除中食以索餅不發熱者
知胃氣尚在必愈恐暴熱來出而復去也後三日
脈之其熱續在者期之旦日夜半愈所以然者本
發熱六日厥反九日復發熱三日并前六日亦爲
九日與厥相應故期之旦日夜半愈後三日脈之
而脈數其熱不罷者此爲熱氣有餘必發癰膿也
始發熱邪在表也至六日邪傳厥陰陰氣勝者
作厥而利厥反九日陰寒氣多當不能食而反
能食者恐爲除中除去也中胃氣也言邪氣大
甚除去胃氣胃欲引食自救故暴能食此欲勝

也食以索餅試之若胃氣絕得麩則必發熱若不發熱者胃氣尚在也恐是寒極變熱因暴熱來而復去使之能食非除中也金匱要畧曰病人素不能食而反暴思之必發熱後三日脉之其熱續在者陽氣勝也期之一日日夜半愈若旦日不愈後三日脉數而熱不罷者爲熱氣有餘必發癰膿經曰數脉不時則生惡瘡日亦爲傷寒脉遲六七日而反與黃芩湯徹其熱脉遲爲寒今與黃芩湯復除其熱腹中應冷當不能食今反能食此名除中必死

傷寒脉遲六七日爲寒氣已深反與黃芩湯寒藥兩寒相搏腹中當冷冷不消穀則不能食反能食者除中也四時皆以胃氣爲本胃氣已絕故云必死

傷寒先厥後發熱下利必自止而反汗出咽中痛者其喉爲痺發熱無汗而利必自止若不止必便膿血便膿血者其喉不痺
傷寒先厥而利陰寒氣勝也寒極變熱後發熱下利必自止而反汗出咽中痛其喉爲痺者熱氣上行也發熱無汗而利必自止利不止必便

膿血者熱氣下行也熱氣下而不上其喉亦不痺也

傷寒一二日至四五日而厥者必發熱前熱者後必厥厥深者熱亦深厥微者熱亦微厥應下之而反發汗者必口傷爛赤

前厥後發熱者寒極生熱也前熱後厥者陽氣內陷也厥深熱深厥微熱微隨陽氣陷之深淺也熱之伏深必須下去之反發汗者引熱上行必口傷爛赤內經曰火氣內發上爲口糜

傷寒病厥五日熱亦五日設六日當復厥不厥者

自愈厥終不過五日以熱五日故知自愈

陰勝則厥陽勝則熱先厥五日爲陰勝至六日陽復勝熱亦五日後復厥者陰復勝若不厥爲陽全勝故自愈經曰發熱四日厥反三日復熱四日厥少熱多其病爲愈凡厥者陰陽氣不相順接便爲厥厥者手足逆冷是也

手足之三陰三陽相接於手十指足之三陰三陽相接於足十指陽氣內陷陽不與陰相順接故手足爲之厥冷也

傷寒脉微而厥至七八日膚冷其人躁無暫安時者此為藏厥非為蛇厥也蛇厥者其人當吐蛇令病者靜而復時煩此為藏寒蛇上入膈故煩須臾復止得食而嘔又煩者蛇聞食臭出其人當自吐蛇蛇厥者烏梅圓主之又主父利方藏厥者死陽氣絕也蛇厥雖厥而煩吐蛇已則靜不若藏厥而躁無暫安時也病人藏寒胃虛蛇動上膈聞食臭出因而吐蛇與烏梅圓温藏安蟲

烏梅圓方

烏梅	三百箇	細辛	六兩	乾薑	十兩
黃連	一斤	當歸	四兩	附子	六兩
蜀椒	四兩	桂枝	六兩	人參	六兩
黃蘗	六兩				

肺主氣肺欲收急食酸以收之烏梅之酸以收肺氣脾欲緩急食甘以緩之人參之甘以緩脾氣寒淫於內以辛潤之以苦堅之當歸桂椒細辛之辛以潤內寒寒淫所勝平以辛熱薑附之辛熱以勝寒蛇得甘則動得苦則安黃連黃蘗之苦以安蛇

右十味異搗篩合治之以苦酒漬烏梅一宿去核
蒸之五升米下飯熟搗成泥和藥令相得內白中
與蜜杵二千下真如梧梧子大先食飲服十圓日
三服稍加至二十圓禁生冷滑物臭食等
傷寒熱少厥微指頭寒默默不欲食煩躁數日小
便利色白者此熱除也欲得食其病爲愈若厥而
嘔胃脇煩滿者其後必便血

指頭寒者是厥微熱少也默默不欲食煩躁者
邪熱初傳裏也數日之後小便色白裏熱去欲
得食爲胃氣已和其病爲愈厥陰之脈挾胃貫

膈布脇肋厥而嘔胃脇煩滿者傳邪之熱甚於
裏也厥陰肝主血後數日熱不去又不得外泄
迫血下行必致便血當愈若不愈而發熱者
病者手足厥冷言我不結胃亦腹滿按之痛者此
冷結在膀胱關元也
手足厥不結胃者無熱也小腹滿按之痛者焦
冷結也
傷寒發熱四日厥反三日復熱四日厥少熱多其
病當愈四日至七日熱不除者其後必便膿血
先熱後厥者陽氣邪傳裏也發熱爲邪氣在表

至四日後厥者傳之陰也後三日復傳陽經則復熱厥少則邪微熱多為陽勝其病為愈至七日傳經盡熱除則愈熱不除者為熱氣有餘內搏厥陰之血其後必大便膿血

傷寒厥四日熱反三日復厥五日其病為進寒多熱少陽氣退故為進也

傷寒陰勝者先厥至四日邪傳裏重陰必陽却熱三日七日傳經盡當愈若不愈而復厥者傳作再經至四日則當復熱若不復熱至五日厥不除者陰勝於陽其病進也

傷寒六七日脉微手足厥冷煩燥灸厥陰厥不還者死

傷寒六七日則正氣當復邪氣當罷脉浮身熱為欲解若反脉微而厥則陰勝陽也煩燥者陽虛而爭也灸厥陰以復其陽厥不還則陽氣已絕不能復正而死

傷寒發熱下利厥逆躁不得卧者死

傷寒發熱邪在表也下利厥逆陽氣虛也躁不得卧者病勝藏也故死

傷寒發熱下利至甚厥不止者死

金匱要畧曰六府氣絕於外者手足寒五藏氣絕於內者利下不禁傷寒發熱為邪氣獨甚下利至甚厥不止為府藏氣絕故死傷寒六七日不利便發熱而利其人汗出不止者死有陰無陽故也

傷寒至七日為邪正爭之時正勝則生邪勝則死始不下利而暴忽發熱下利汗出不止者邪氣勝正陽氣脫也故死傷寒五六日不結胃腹濡脈虛復厥者不可下此為亡血下之死

傷寒五六日邪氣當作裏實之時若不結胃而腹濡者裏無熱也脈虛者亡血也復厥者陽氣少也不可下下之為重虛故死金匱玉函曰虛者重瀉真氣乃絕發熱而厥七日下利者為難治四末濡者發熱而厥邪傳裏也至七日傳經盡則正氣勝邪當汗出而解反下利則邪氣勝裏氣虛則為難治傷寒脈促手足厥逆者可灸之脈促則為陽虛不相續厥逆則為陽虛不相接

灸之以助陽氣

傷寒脉滑而厥者裏有熱也白虎湯主之

滑為陽厥氣內陷是裏熱也與白虎湯以散裏

熱也

手足厥寒脉細欲絕者當歸四逆湯主之

手足厥寒者陽氣外虛不温四末脉細欲絕者

陰血內弱脉行不利與當歸四逆湯助陽生陰

也

當歸四逆湯方

當歸_{三兩} 桂枝_{三兩} 芍藥_{三兩}

細辛_{二兩} 大棗_{二十五} 甘草_{二兩}

通草_{二兩} 芍藥_{三兩} 芍藥_{三兩}

內經曰脉者血之府也諸血者皆属心通脉者

必先補心益血苦先入心當歸之苦以助心血

心苦緩急食酸以收之芍藥之酸以收心氣肝苦

急急食甘以緩之大棗甘草通草之甘以緩陰血

右柒味以水八升煮取三升去滓温服一升日三

服

若其人內有久寒者宜當歸四逆加吳茱萸生薑

湯主之

茱萸辛溫以散久寒生薑辛溫以行陽氣
大汗出熱不去內拘急四肢疼又下利厥逆而惡
寒者四逆湯主之

大汗出則熱當去熱反不去者亡陽也內拘急
下利者寒甚於裏四肢疼厥逆而惡寒者寒甚
於表與四逆湯復陽散寒
大汗若大下利而厥冷者四逆湯主之
一也陽虛陰勝故生厥逆與四逆湯固陽退陰
病人手足厥冷脈乍緊者邪結在胃中心下滿而

煩飢不能食者病在胃中當須吐之宜瓜蒂散
手足厥冷者邪氣內陷也脈緊牢者爲實邪氣
入府則脈沉今脈乍緊知邪結在胃中爲實故
心下滿而煩胃中無邪則善飢以病在胃中雖
飢而不能食與瓜蒂散以吐胃中之邪
傷寒厥而心下悸者宜先治水當服茯苓甘草湯
却治其厥不爾水漬入胃必作利也

金匱要畧曰水停心下甚者則悸厥雖寒勝然
以心下悸爲水飲內甚先與茯苓甘草湯治其
水而後治其厥若先治厥則水飲浸漬入胃必

作下利

傷寒六七日大下後寸脉沉而遲手足厥逆下部脉不至咽喉不利唾膿血泄利不止者為難治麻黃升麻湯主之

傷寒六七日邪傳厥陰之時大下之後下焦氣虛陽氣內陷寸脉遲而手足厥逆下部脉不至厥陰之脉貫膈上注肺循喉嚨在厥陰隨經射肺因亡津液遂成肺痿咽喉不利而唾膿血也金匱要畧曰肺痿之病從何得之被快藥下利重亡津液故得之若泄利不止者為裏氣大虛

故云難治與麻黃升麻湯以調肝肺之氣

麻黃升麻湯方
麻黃二兩半去節升麻二兩當歸二兩

知母二兩石膏二兩白朮二兩乾薑二兩

芍藥二兩天門冬二兩桂枝二兩

茯苓二兩甘草二兩

玉函曰大熱之氣寒以取之甚熱之氣以甘發

之麻黃升麻之甘以發浮熱正氣虛者以辛潤

之當歸桂薑之辛以散寒上熱者以苦泄之知

母令知母苦寒

玉函曰大熱之氣寒以取之甚熱之氣以甘發之麻黃升麻之甘以發浮熱正氣虛者以辛潤之當歸桂薑之辛以散寒上熱者以苦泄之知母令知母苦寒

母黃芩之苦涼心去熱津液少者以甘潤之茯苓白朮之甘緩脾生津肺燥氣熱以酸收之以其緩之芍藥之酸以斂逆氣萎蕤門冬石膏甘草之甘潤肺除熱

右十四味以水一斗先煮麻黃一兩沸去上沫內諸藥煮取三升去滓分溫三服相去如炊三斗米頃令盡汗出愈

傷寒四五日腹中痛若轉氣下趣少腹者此欲自利也

傷寒四五日邪氣傳裏之時腹中痛轉氣下趣

少腹者裏虛遇寒寒氣下行欲作自利也

傷寒本自寒下醫復吐下之寒格更逆吐下若食

入口即吐乾薑黃連黃芩人參湯主之

傷寒邪自傳表為本自寒下醫反吐下損傷正

氣寒氣內為格拒經曰格則吐逆食入口即吐

謂之寒格更復吐下則重虛而死是更逆吐下

與乾薑黃連黃芩人參湯以通寒格

乾薑黃連黃芩人參湯方

乾薑 辛熱

黃連 苦寒

黃芩 苦寒

人參 甘溫

黃連 苦寒

黃連 苦寒

黃連 苦寒

黃連 苦寒

黃連 苦寒

黃連 苦寒

辛以散之其以緩之乾薑人參之其辛以補正
氣苦以泄之黃連黃芩之苦以通寒格

右四味以水六升煮取二升去滓分溫再服

下利有微熱而渴脈弱者今自愈

下利陰寒之疾反大熱者逆有微熱而渴裏氣

方溫也經曰諸弱發熱脈弱者陽氣得復也今

必自愈

下利脈數有微熱汗出今自愈設復緊為未解

下利陰病也脈數陽脈也陰病見陽脈者生微

熱汗出陽氣得通也利必自愈諸緊為寒設復

脈緊陰氣猶勝故云未解

下利手足厥冷無脈者灸之不溫若脈不還反微

喘者死

下利手足厥逆無脈者陰氣獨勝陽氣大虛也

灸之陽氣復手足溫而脈還為欲愈若手足不

溫脈不還者陽已絕也反微喘者陽氣脫也

少陰負趺陽者為順也

少陰腎水趺陽脾土下利為腎邪干脾水不勝

土則為微邪故為順也

下利寸脈反浮數尺中自瀉者必清膿血

下利者脉當沉而遲反浮數者裏有熱也瀋爲無血尺中自瀋者腸胃血散也隨利下必便膿血清與園通脉經曰清者廁也

下利清穀不可攻表汗出必脹滿

下利者脾胃虛也胃爲津液之主發汗亡津液則胃氣愈虛必脹滿

下利脉沉弦者下重也脉大者爲未止脉微弱數者爲欲自止雖發熱不死

沉爲在裏弦爲拘急裏氣不足是主下重大則病進此利未止脉微弱數者邪氣微而陽氣復

爲欲自止雖發熱止由陽勝非大逆也

下利脉沉而遲其人面少赤身有微熱下利清穀者必鬱冒汗出而解病人必微厥所以然者其面戴陽下虛故也

下利清穀脉沉而遲裏有寒也面少赤身有微熱表未解也病人微厥針經曰下虛則厥表邪欲解臨汗之時以裏先虛必鬱冒然後汗出而解也

下利脉數而渴者今自愈設不差必清膿血以有熱故也

經曰脉數不解而下不止必協熱便膿血也
下利後脉絕手足厥冷時脉還手足温者生脉
不還者死

下利後脉絕手足厥冷者無陽也時時周時也
周時厥愈脉出為陽氣復則生若手足不温脉
不還者為陽氣絕則死
傷寒下利日十餘行脉反實者死

下利者裏虛也脉當微弱反實者病勝藏也故
死難經曰脉不應病病不應脉是為死病
下利清穀裏寒外熱汗出而厥者通脉四逆湯主

之自脉不出者通脉四逆湯主之
下利清穀為裏寒身熱不解為外熱汗出陽氣
通行於外則未當厥其汗出而厥者陽氣大虛
也與通脉四逆湯以固陽氣
熱利下重者白頭翁湯主之

下利則津液少熱則傷氣氣虛下利致後重也與
更白頭翁湯散熱厚腸

白頭翁湯方 白頭翁 黃栢 黃連 秦皮 各二兩

白頭翁 苦寒 黃栢 苦寒

黃連 苦寒 秦皮 苦寒

內經曰腎欲堅急食苦以堅之利則下焦虛是以純苦之劑堅之

右四味以水七升煮取二升去滓溫服一升不愈更服一升

下利腹脹滿身體疼痛者先溫其裏乃攻其表溫裏四逆湯攻表桂枝湯主之

下利腹滿者裏有虛寒先與四逆湯溫裏身疼痛為表未解利止裏和與桂枝湯攻表

下利欲飲水者以有熱故也白頭翁湯主之自利不渴為藏寒與四逆以溫藏下利飲水為

有熱與白頭翁湯以涼中

下利譏語者有燥屎也宜小承氣湯

經曰實則譏語有燥屎為胃實下利為腸虛與

小承氣湯以下燥屎

下利後更煩按之心下濡者為虛煩也宜梔子豉

湯

下利後不煩為欲解若更煩而心下堅者恐為

鄧谷煩此煩而心下濡者是邪熱乘虛客於胃中

為虛煩也與梔子豉湯吐之則愈

嘔家有癰膿者不可治嘔膿盡自愈

胃脘有癰則嘔而吐膿不可治嘔得膿盡嘔亦
自愈

嘔而脈弱小便復利身有微熱見厥者難治四逆
湯主之

嘔而脈弱為邪氣傳裏嘔則氣上逆而小便當
不利小便復利者裏虛也身有微熱見厥者陰

勝陽也為難治與四逆湯溫裏助陽
乾嘔吐涎沫頭痛者吳茱萸湯主之
乾嘔吐涎沫者裏寒也頭痛者寒氣上攻也與
吳茱萸湯溫裏散寒

嘔而發熱者小柴胡湯主之

經曰嘔而發熱者柴胡證具

傷寒大吐大下之極虛復極汗出者以其人外氣
怫鬱復與之水以發其汗因得噦所以然者胃中
寒冷故也

大吐大下胃氣極虛復極發汗又亡陽氣外邪
怫鬱於表則身熱醫與之水以發其汗胃虛得
水虛寒相搏成噦也

傷寒噦而腹滿視其前後知何部不利利之則愈
噦而腹滿氣上而不下也視其前後部有不利

者即利之以降其氣前部小便也後部大便也

釋音

踴音奉不伸也

憤扶粉切

惡濕上烏路切撞宅江切

大如大下胃氣

其令也

刺變與之木必發其

謝寒大出大下之

醫曰動而發

註解傷寒論卷第六

註解傷寒論卷第七之八

漢張仲景著 晉王叔和撰次

宋成無已註 明汪通值校正

辨霍亂病脉證并治第十三

問曰病有霍亂者何答曰嘔吐而利名曰霍亂

三焦者水穀之道路邪在上焦則吐而不利邪

在下焦則利而不吐邪在中焦則既吐且利以

飲食不節寒熱不調清濁相干陰陽乖隔遂成

霍亂輕者止曰吐利重者揮霍撩亂名曰霍亂

問曰病發熱頭痛身疼惡寒吐利者此屬何病答

曰此名霍亂自吐下又利止復更發熱也

發熱頭痛身疼惡寒者本是傷寒因邪入裏傷於脾胃上吐下利今爲霍亂利止裏和復更發熱者還是傷寒必汗出而解

傷寒其脈微澁者本是霍亂今是傷寒却四五日至陰經上轉入陰必利本嘔下利者不可治也欲似大便而反失氣仍不利者屬陽明也便必鞭十三日愈所以然者經盡故也

微爲亡陽澁爲亡血傷寒脈微澁則本是霍亂吐利亡陽亡血吐利止傷寒之邪未已還是傷寒却四五日邪傳陰經之時裏虛遇邪必作自利本嘔者邪甚於上又利者邪甚於下先霍亂裏氣大虛又傷寒之邪再傳爲吐利是重虛也故爲不治若欲似大便而反失氣仍不利者利爲虛不利爲實欲大便而反失氣裏氣熱也此屬陽明便必鞭也十三日愈者傷寒六日傳遍三陰三陽後六日再傳經盡則陰陽之氣和大邪之氣去而愈也

下利後當便鞭鞭則能食者愈今反不能食到後經中頗能食復過一經能食過之一日當愈不愈

者不屬陽明也

下利後亡津液當便鞭能食為胃和必自愈不能食者為未和到後經中為復過一經言七日後再經也頗能食者胃氣方和過一日當愈不愈者暴熱使之能食非陽明氣和也

惡寒脉微而復利利止亡血也四逆加人參湯主之

惡寒脉微而利者陽虛陰勝也利止則津液內竭故云亡血金匱玉函曰水竭則無血與四逆湯温經助陽加人參生津液益血

霍亂頭痛發熱身疼痛熱多欲飲水者五苓散主之寒多不用水者理中丸主之

頭痛發熱則邪自風寒而來中焦為寒熱相半之分邪稍高者居陽分則為熱熱多欲飲水者與五苓散以散之邪稍下者居陰分則為寒寒多不用水者與理中丸温之

理中丸方

人參

甘温

甘草

炙其平

白朮

甘温

乾薑

辛熱已上各三兩

內經曰脾欲緩急食其以緩之用其補之人參

白朮甘草之甘以緩脾氣調中寒淫所勝平以辛熱乾薑之辛以溫胃散寒

右四味搗篩爲末蜜和丸如鷄黃大以沸湯數合和一丸研碎溫服之日三四夜二服腹中未熱益至三四丸然不及湯湯法以四物依兩數切用水八升煮取三升去滓溫服一升日三服加減法若臍上築者腎氣動也去朮加桂四兩

脾虛腎氣動者臍上築動內經曰甘者令人中滿朮甘壅補桂泄奔豚是相易也

吐多者去朮加生薑三兩
嘔家不喜甘故去朮嘔家多服生薑以辛散之
下多者還用朮悸者加茯苓二兩

下多者用朮以去濕悸加茯苓以導氣
渴欲得水者加朮足前成四兩半
津液不足則渴朮甘以緩之

腹中痛者加人參足前成四兩半

裏虛則痛加人參以補之
寒者加乾薑足前成四兩半

寒淫所勝平以辛熱
腹滿者去朮加附子一枚服湯後如食頃飲熱粥

一升許微自溫勿發揭衣被

胃虛則氣壅腹滿甘令人中滿是去木也附子之辛以補陽散壅

吐利止而身痛不休者當消息和解其外宜桂枝湯小和之

吐利止裏和也身痛不休表未解也與桂枝湯小和之外臺云裏和表病汗之則愈

吐利汗出發熱惡寒四肢拘急手足厥冷者四逆湯主之

上吐下利裏虛汗出發熱惡寒表未解也四肢

拘急手足厥冷陽虛陰勝也與四逆湯助陽退

陰陰盛則身大熱手足厥冷既吐且利小便復利而大汗出下利清穀內寒外熱脈微欲絕者四逆湯主之

吐利亡津液則小便當少小便復利而大汗出津液不禁陽氣大虛也脈微為亡陽若無外熱但內寒下利清穀為純陰此以外熱為陽未絕猶可與四逆湯救之

吐已下斷汗出而厥四肢拘急不解脈微欲絕者通脈四逆加豬膽汁湯主之

吐已下斷津液內竭則不當汗出汗者不當厥今汗出而厥四肢拘急不解脈微欲絕者陽氣大虛陰氣獨勝也若純與陽藥恐陰為格拒或嘔或躁不得復入也與通脈四逆湯加豬膽汁膽苦入心而通脈膽寒補肝而和陰引置湯藥不被格拒內經曰微者逆之甚者從之此之謂也

吐利發汗脈平小煩者以新虛不勝穀氣故也內經曰食入於陰長氣於陽新虛不勝穀氣是生小煩

盡早辨陰陽易差後勞復病證并治第十四
傷寒陰陽易之為病其人身體重少氣少腹裏急或引陰中拘攣熱上衝胃頭重不欲舉眼中生花膝脛拘急者燒裊散主之
大病新差血氣未復餘熱未盡強合陰陽得病日者名曰易男子病新差未平復而婦人與之交古得病名曰陽易婦人病新差未平復男子與之交得病名曰陰易以陰陽相感動其餘毒相染著如換易也其人病身體重少氣者損動真氣也少腹裏急引陰中拘攣膝脛拘急陰氣極也

熱上衝胃頭重不欲舉眼中生花者感動之毒
所易之氣薰蒸於上也與燒棍散以道陰氣
燒棍散方

右取婦人中棍近隱處剪燒灰以水和服方寸七
日三服小便即利陰頭微腫則愈婦人病取男子
棍當燒灰

大病差後勞復者枳實梔子湯主之若有宿食者
加大黃如博碁子大五六枚下不消者中逆并
病有勞復有食復傷寒新差血氣未平餘熱未
盡早作勞動病者名曰勞復病熱少愈而強食

之熱有所藏因其穀氣留搏兩陽相合而病者
名曰食復勞復則熱氣浮越與枳實梔子豉湯
以解之食復則胃有宿積加大黃以下之
枳實梔子豉湯方

枳實三枚炙 梔子十四枚擘 豉一升綿裹

枳實梔子豉湯則應吐劑此云覆令微似汗出
者以其熱聚於上苦則吐之熱散於表者苦則
發之內經曰火淫所勝以苦發之此之謂也

右三味以清漿水七升空煮取四升內枳實梔子
煮取二升下豉更煮五六沸去滓溫分再服覆令

微似汗

傷寒差已後更發熱者小柴胡湯主之脉浮者以汗解之脉沉實者以下解之

差後餘熱未盡更發熱者與小柴胡湯以和解之脉浮者熱在表也故以汗解脉沉者熱在裏也故以下解之

大病差後從腰已下有水氣者牡礪澤瀉散主之
大病差後脾胃氣虛不能制約腎水水溢下焦腰以下為腫也金匱要畧曰腰以下腫當利小便與牡礪澤瀉散利小便而散水也

牡礪澤瀉散方

牡礪鹹平

澤瀉鹹寒

括蕒根苦寒

蜀漆辛平洗

葶藶苦寒

商陸根鹹平

海藻鹹寒洗去鹹

鹹味勇泄牡礪澤瀉海藻之鹹以泄水氣內經曰濕淫於內平以苦佐以酸辛以苦泄之蜀漆

葶藶括蕒商陸之酸辛與苦以導腫濕

右七味異搗下篩為散更入臼中治之白飲和服方寸匕小便利止後服日三不內葶藶括蕒商陸
大病差後喜唾又不了了者胃上有寒當以丸藥

溫之宜理中丸

汗後陽氣不足胃中虛寒不內津液故喜噦不

傷寒解後虛羸少氣氣逆欲吐者竹葉石膏湯主之

傷寒解後津液不足而虛羸餘熱未盡熱則傷

氣故少氣氣逆欲吐與竹葉石膏湯調胃散熱

竹葉石膏湯方

竹葉

二把

石膏

一斤

半夏

半升洗

人參

三兩

甘草

二兩

粳米

半升

麥門冬

半升

升

升

辛甘發散而除熱竹葉石膏甘草之甘辛以發

散餘熱甘緩脾而益氣麥門冬人參粳米之甘

以補不足辛者散也氣逆者欲其散半夏之辛

以散逆氣

右七味以水一斗煮取六升去滓肉粳米煮米熟

湯成去米溫服一升日三服

病人脉已解而日暮微煩以病新差人強與穀脾

胃氣尚弱不能消穀故令微煩損穀則愈

夫陽明主於申酉戌復食在胃故日暮微煩當小下之以

損宿穀

辨不可發汗病脉證并治第十五

夫以為疾病至急倉卒尋按要者難得故重集諸可與不可方治比之三陰三陽篇中此易見也又時有不正是三陰三陽出在諸可與不可中也諸不可汗不可下病證藥方前三陰三陽篇中經注已具者更不復出其餘無者於此已經後注備見

脉濡而弱弱反在關濡反在巔微反在上濇反在下微則陽氣不足濇則無血陽氣反微中風汗出而反躁煩濇則無血厥而且寒陽微發汗躁不得

眠

寸關為陽脉當浮盛弱反在關則裏氣不及濡反在巔則表氣不逮衛行脉外浮為在上以候衛微反在上是陽氣不足榮行脉中沉為在下以候榮虛反在下是無血也陽微不能固外腠理開踈風因客之故令汗出而躁煩無血則陰虛不與陽相順接故厥而且寒陽微無津液則不能作汗若發汗則必亡陽而躁經曰汗多亡陽遂虛惡風煩躁不得眠也動氣在右不可發汗發汗則衄而渴心苦煩飲即

吐水

動氣者築築然氣動也在右者在臍之右也難經曰肺內證臍右有動氣按之牢若痛肺氣不治正氣內虛氣動於臍之右也發汗則動肺氣肺主氣開竅於鼻氣虛則不能衛血血溢妄行隨氣出於鼻為衄亡津液胃燥則煩渴而心苦煩肺惡寒飲冷則傷肺故飲即吐水

發汗汗不止則亡陽外虛故頭眩筋惕肉瞤鍼

經曰上虛則眩胃氣不味則內下味發汗

動氣在上不可發汗發汗則氣上衝正在心端

難經曰心內證臍上有動氣按之牢若痛心氣

不治正氣內虛氣動於臍之上也心為陽發汗

亡陽則愈損心氣腎乘心虛欲上凌心故氣上

衝正在心端

動氣在下不可發汗發汗則無汗心中大煩骨節

苦疼目運惡寒食則反吐穀不得前

難經曰腎內證臍下有動氣按之牢若痛腎氣

不治正氣內虛動氣發於臍之下也腎者主水
發汗則無汗者水不足也心中大煩者腎虛不
能制心火也骨節苦疼者腎主骨也目運者腎
病則目眊眊如無所見惡寒者腎主寒也食則
反吐穀不得前者腎水乾也王冰曰病嘔而吐
食又反出是無水也

咽中閉塞不可發汗發汗則吐血氣欲絕手足厥
冷欲得蹇卧不能自溫
咽門者胃之系胃經不和則咽內不利發汗攻
陽血隨發散而上必吐血也胃經不和而反攻

表則陽虛於外故氣欲絕手足冷欲蹇而不能
自溫

諸脉得數動微弱者不可發汗發汗則大便難腹
中乾胃燥而煩其形相象根本異源

動數之脉爲熱在表微弱之脉爲熱在裏發汗
亡津液則熱氣愈甚胃中乾燥故大便難腹中
乾胃燥而煩根本雖有表裏之異逆治之後熱
傳之則一是以病形相象也

脉微而弱弱反在關濡反在巔弦反在上微反在
下弦爲陽運微爲陰寒上實下虛意欲得溫微弦

為虛不可發汗發汗則寒慄不能自還

弦在上則風傷氣風勝者陽為之運動微在下

則寒傷血血傷者裏為之陰寒外氣沸鬱為上

實裏有陰寒為下虛表熱裏寒意欲得溫若反

發汗亡陽陰獨故寒慄不能自還

欬者則劇數吐涎沫咽中必乾小便不利心中飢

煩醉時而發其形似瘡有寒無熱虛而寒慄欬而

發汗蹇而苦滿腹中復堅

肺寒氣逆欬者則劇吐涎沫亡津液咽中必乾

小便不利膈中陽氣虛心中飢而煩一日一夜

易氣大會於肺邪上相擊醉時而發形如寒瘧但

寒無熱虛而寒慄發汗攻陽則陽氣愈虛陰寒

愈甚故蹇而苦滿腹中復堅

厥脈緊不可發汗發汗則聲亂咽嘶舌萎聲不得

前

厥而脈緊則少陰傷寒也法當溫裏而反發汗

則損少陰之氣少陰之脈入肺中循喉嚨挾舌

本腎為之本肺為之標本虛則標弱故聲亂咽

嘶舌萎聲不得前

諸逆發汗病微者難差劇者言亂目眩者死命將

難全

不可發汗而強發之輕者因發汗而重而難差
重者脫其陰陽之氣言亂目眩而死難經曰脫
陽者見鬼是此言亂也脫陰者目盲是此目眩
也眩非玄而見玄是近於育也盛裏而又發汗
欬而小便利若失小便者不可發汗汗出則四肢
厥逆冷不可發汗發汗則四肢厥逆冷不可發汗
肺經虛冷止虛不能治下者欬而小便利或失
小便上虛發汗則陽氣外亡四肢者諸陽之本
陽虛則不與陰相接故四肢厥逆冷也其意曰

傷寒頭痛翕翕發熱形象中風常微汗出自嘔者
下之益煩心中懊懣如飢發汗則致瘥身強難以
屈伸熏之則發黃不得小便灸則發欬唾

傷寒當無汗惡寒今頭痛發熱微汗出自嘔則
傷寒之邪傳而為熱欲行於裏若反下之邪熱
乘虛流於胷中為虛煩心懊懣如飢若發汗則
虛表熱歸經絡熱甚生風故身強直而成瘥若
熏之則火熱相合消燦津液故小便不利而發
黃肺惡火炎則火熱傷肺必發欬嗽而唾膿
辨可發汗證并治第十六

大法春夏宜發汗

春夏陽氣在外邪氣亦在外故可發汗

凡發汗欲令手足俱周時出以熱熱然一時間許亦佳不可令如水流漓若病不解當重發汗汗多必亡陽陽虛不得重發汗也

汗緩緩出則表裏之邪悉去汗大出則邪氣不除但亡陽也陽虛為無津液故不可重發汗

凡服湯發汗中病便止不必盡劑

汗多則亡陽

凡云可發汗無湯者丸散亦可用要以汗出為解

然不如湯隨證良驗

聖濟經曰湯液主治本乎腠理雍鬱除邪氣者於湯為宜金匱玉函曰水能淨萬物故用湯也夫病脉浮太問病者言但便鞭爾設利者為大逆鞭為實汗出而解何以故脉浮當以汗解

經曰脉浮大應發汗醫反下之為大逆便鞭難雖為裏實亦當先解其外若行利藥是為大逆結胃雖急脉浮大猶不可下下之即死况此便難乎經曰本發汗而復下之此為逆若先發汗治不為逆

下利後身疼痛清便自調者急當救表宜桂枝湯
發汗

外臺云裏和表病汗之則愈

辨發汗後病脉證并治第十七

發汗多亡陽譏語者不可下與柴胡桂枝湯和其
榮衛以通津液後自愈

胃為水穀之海津液之主發汗多亡津液胃中
燥必發譏語此非實熱則不可下與柴胡桂枝
湯和其榮衛通行津液津液生則胃潤譏語自
止

此一卷第十七篇凡三十一證前有詳說

辨不可吐第十八

合四證已具太陽篇中

辨可吐第十九

大法春宜吐

春時陽氣在上邪氣亦在上故宜吐

凡用吐湯中病即止不必盡劑也

要在適當不欲過也

病胃上諸實胃中鬱鬱而痛不能食欲使人按之
而反有涎唾下利日十餘行其脉反遲寸口脉微

滑此可吐之吐之利則止
胃上諸實或痰實或熱鬱或寒結胃中鬱而痛
不能食欲使人按之反有涎唾者邪在下按之
氣下而無涎唾此按之反有涎唾者知邪在胃
中經曰下利脉遲而滑者內實也今下利日十
餘行其脉反遲寸口脉微滑是上實也故可吐
之玉函曰上盛不已吐而奪之

宿食在上腕者當吐之

宿食在中下腕者則宜下宿食在上腕則當吐
內經曰其高者因而越之其下者引而竭之

病人手足厥冷脉乍結以客氣在胃中心下滿而
煩欲食不能食者病在胃中當吐之

此與第六卷厥陰門瓜蒂散證同彼云脉乍緊
此云脉乍結惟此有異緊為內實乍緊則實未
深是邪在胃中結為結實乍結則結未深是邪
在胃中所以證治俱同也

釋音

拒音巨

函音含又音

眩音荒且

腕音管胃

竭渠孽切

蒂音帝瓜

註解傷寒論卷第七之八

此與第六卷同類門入帶精衛同類云和乎察
厥為身不語今者厥在胃中當出之也上厥則當
詠入乎五臟今和乎詠以客厥在胃中心下微而

註解傷寒論卷第九

漢張仲景著 晉王叔和撰次

宋成無已註 明汪通值校正

辨不可下病脉證并治第二十

脉濡而弱弱反在關濡反在巔微反在上澁反在
下微則陽氣不足澁則無血陽氣反微中風汗出
而反躁煩澁則無血厥而且寒陽微不可下下之
則心下痞鞭

陽微下之陽氣已虛陰氣內甚故心下痞鞭

動氣在右不可下下之則津液內竭咽燥鼻乾頭

眩心悸也

動氣在右肺之動也下之傷胃動肺津液內竭

咽燥鼻乾者肺屬金主燥也頭眩心悸者肺主

氣而虛也

動氣在左不可下下之則腹內拘急食不下動氣

更劇雖有身熱卧則欲蹠

動氣在左肝之動也下之損脾而肝氣益勝復

行於脾故腹內拘急食不下動氣更劇也雖有

身熱以裏氣不足故卧則欲蹠

動氣在上不可下下之則掌握熱煩身上浮冷熱

汗自泄欲得水自灌

動氣在上心之動也下之則傷胃內動心氣心

為火主熱鍼經曰心所生病者掌中熱肝為藏

中之陰病則雖有身熱卧則欲蹠作表熱裏寒

也心為藏中之陽病則身上浮冷熱汗自泄欲

得水自灌作表寒裏熱也二藏陰陽寒熱明可

見焉

動氣在下不可下下之則腹脹滿卒起頭眩食則

下清穀心下痞也

動氣在下腎之動也下之則傷脾腎氣則動腎

寒乘脾故有腹滿頭眩下清穀心下痞之證也
咽中閉塞不可下下之則上輕下重水漿不下卧
則欲蹠身急痛下利日數十行

咽中閉塞胃已不和也下之則閉塞之邪為上
輕復傷胃氣為下重至水漿不下卧則欲蹠身
急痛下利日數十行知虛寒也

諸外實者不可下下之則發微熱亡脉厥者當臍
握熱

外實者表熱也汗之則愈下之為逆下後裏虛
表熱內陷故發微熱厥深者熱亦深亡脉厥者

則陽氣深陷客於下焦故當臍握熱以急欲息
諸虛者不可下下之則大渴求水者易愈惡水者

劇

金匱玉函曰虛者十補勿一瀉之虛家下之為

重虛內竭津液故令大渴求水者陽氣未竭而
猶可愈惡水者陽氣已竭則難可制

脉濡而弱弱反在關濡反在巔弦反在上微反在
下弦為陽運微為陰寒上實下虛意欲得温微弦

為虛虛者不可下也
虛家下之是為重虛難經曰實實虛虛損不足

益有餘此者是中工所害也

微則為欬欬則吐涎下之則欬止而利因不休利不休則胃中如蟲齧粥入則出小便不利兩脇拘急喘息為難頸背相引臂則不仁極寒反汗出身冷若冰眼睛不慧語言不休而穀氣多入此為除中口雖欲言舌不得前大便未小皆惡屎未噉而肉經曰感於寒則受病微則為欬甚則為泄為痛肺感微寒為欬則脉亦微也下之氣下欬雖止而因利不休利不休則奪正氣而成危惡胃中如蟲齧粥入則出小便不利兩脇拘急喘息

為難者裏氣損也頸背相引臂為不仁極寒反汗出身冷如冰者表氣損也表裏損極至陰陽俱脫眼睛不慧語言不休難經曰脫陽者見鬼脫陰者目盲陰陽脫者應不能食而穀多入者此為除中是胃氣除去也口雖欲言舌不得前氣已衰脫不能運也

脉濡而弱弱反在關濡反在巔浮反在上數反在下浮為陽虛數為無血浮為虛數為熱浮為虛自汗出而惡寒數為痛振寒而慄微弱在關胃下為急喘汗而不得呼吸呼吸之中痛在於脇振寒相

搏形如瘡狀醫反下之故令脉數發熱狂走見鬼
心下爲痞小便淋瀝小腹甚硬小便則尿血也
弱在關則陰氣內弱濡在顛則陽氣外弱浮爲
虛浮在上則衛不足也故云陽虛陽虛不固故
腠理汗出惡寒數亦爲虛數在下則榮不及故
云亡血亡血則不能溫潤腑臟數而痛振而
寒慄微弱在關邪氣傳裏也裏虛遇邪胃下爲
急喘而汗出脇下引痛振寒如瘡此裏邪未實
表邪未解醫反下之裏氣益虛邪熱內陷故脉
數發熱狂走見鬼心下爲痞此熱陷於中焦者凡苦

熱氣深陷則客於下焦使小便淋瀝小腹甚鞭小
便尿血也

脉濡而緊濡則胃氣微緊則榮中寒陽微衛中風
發熱而惡寒榮緊胃氣冷微嘔心內煩醫爲有大
熱解飢而發汗亡陽虛煩躁心下苦痞堅表裏俱
虛竭卒起而頭眩客熱在皮膚悵快不得眠不知
胃氣冷緊寒在關元技巧無所施汲水灌其身客
熱應時罷慄慄而振寒重被而覆之汗出而胃顛
體惕而又振小便爲微難寒氣因水發清穀不容
間嘔變反腸出顛倒不得安手足爲微逆身冷而

內煩遲欲從後救安可復追還
胃冷榮寒陽微中風發熱惡寒微嘔心煩醫不
溫胃反為有熱解飢發汗則表虛亡陽煩躁心
下痞堅先裏不足發汗又虛其表表裏俱虛竭
卒起頭眩客熱在表悵快不得眠醫不救裏但
責表熱汲水灌洗以却熱客熱易罷裏寒益增
慄而振寒復以重被覆之表虛遂汗出愈使陽
氣虛也顛頂也顛冒而體振寒小便難者亡陽
也寒因水發下為清穀上為嘔吐外有厥逆內
為燥煩顛倒不安雖欲拯救不可得也本草曰

病勢已過命將難全

脈浮而大浮為氣實大為血虛血虛為無陰孤陽
獨下陰部者小便當赤而難胞中當虛今反小便
利而大汗出法應衛家當微今反更實津液四射
榮竭血盡乾煩而不得眠血薄肉消而成暴液醫
復以毒藥攻其胃此為重虛客陽去有期必下如
汚塗而死

衛為陽榮為陰衛氣強實陰血虛弱陽乘陰虛
下至陰部陰部下焦也陽為熱則消津液當小
便赤而難今反小便利而大汗出者陰氣內弱

也經曰陰弱者汗自出是以衛家不微而反更實榮竭血盡乾煩而不眠血薄則肉消而成暴液者津液四射也醫反下之又虛其裏是爲重虛孤陽因下而又脫去氣血皆竭胃氣內盡必下如汚溼而死也

脈數者又數不止止則邪結正氣不能復正氣却結於藏故邪氣浮之與皮毛相得脈數者不可下下之則必煩利不止
其裏虛叶熱必煩利不出
數爲熱止則邪氣結於經絡之間正氣不能復行於表則却結於藏邪氣獨浮於皮毛下之虛

其裏邪熱乘虛而入裏虛叶熱必煩利不出又脈浮大應發汗醫反下之此爲大逆
其裏虛叶熱必煩利不出
脈浮大屬表故不可下病欲吐者不可下嘔多雖有陽明證不可攻之

爲邪猶在胃中也

太陽病外證未解不可下下之爲逆

表未解者雖有裏證亦不可下當先解外爲順若反下之則爲逆也經曰本發汗而復下之此爲逆也若先發汗治不爲逆

夫病陽多者熱下之則鞭

陽熱證多則津液少下之雖除熱復損津液必便難也或謂陽多者表熱也下之則心下鞭

無陽陰強大便鞭者下之則必清穀腹滿無陽者亡津液也陰強者寒多也大便秘則為

六陰結下之虛胃陰寒內甚必清穀腹滿傷寒發熱頭痛微汗出發汗則不識人熏之則喘

不得小便心腹滿下之則短氣小便難頭痛背強加溫針則衄

傷寒則無汗發熱頭痛微汗出者寒邪變熱欲傳於裏也發汗則亡陽增熱故不識人若以火

熏之則火熱傷氣內消津液結為裏實故喘不得小便心腹滿若反下之則內虛津液邪欲入

裏外動經絡故短氣小便難頭痛背強若加溫針益陽增熱必動其血而為衄也

傷寒脈陰陽俱緊惡寒發熱則脈欲厥厥者脈初來大漸漸小更來漸漸大是其候也如此者惡寒

甚者翕翕汗出喉中痛熱多者目赤脈多睛不慧醫復發之咽中則傷若復下之則兩目閉寒多者

便清穀熱多者便膿血若熏之則身發黃若熨之則咽燥若小便利者可救之小便難者為危殆

則咽燥若小便利者可救之小便難者為危殆

脉陰陽俱緊則清邪中上濁邪中下太陽少陰俱感邪也惡寒者少陰發熱者太陽脉欲厥者表邪欲傳裏也惡寒甚者則變熱翕翕汗出喉中痛以少陰之脉循喉嚨故也熱多者太陽多也目赤脉多者睛不慧以太陽之脉起於目故也發汗攻陽則少陰之熱因發而上行故咽中傷若復下之則太陽之邪因虛而內陷故兩目閉陰邪下行爲寒多必便清穀陽邪下行爲熱多必便膿血熏之則火熱甚身必發黃熨之則火熱輕必爲咽燥小便利者爲津液未竭猶可

救之小便難者津液已絕則難可制而危殆矣傷寒發熱口中勃勃氣出頭痛目黃衄不可制貪水者必嘔惡水者厥若下之咽中生瘡假令手足溫者必下重便膿血頭痛目黃者若下之則兩目閉貪水者脉必厥其聲嚶咽喉塞若發汗則戰慄陰陽俱虛惡水者若下之則裏冷不嗜食大便完穀出若發汗則口中傷舌上白胎煩燥脉數實不大便六七日後必便血若發汗則小便自利也傷寒發熱寒變熱也口中勃勃氣出熱客上膈也頭痛目黃衄不可制者熱丞於上也千金曰

無陽即厥無陰即嘔貪水者必嘔則陰虛也惡水者厥則陽虛也發熱口中勃勃氣出者咽中已熱也若下之亡津液則咽中生瘡熱因裏虛而下若熱氣內結則手足必厥設手足溫者熱氣不結而下行作叶熱利下重便膿血也頭痛目黃者下之熱氣內伏則目閉也貪水爲陰虛下之又虛其裏陽氣內陷故脉厥聲嚶咽喉閉塞陰虛發汗又虛其陽使陰陽俱虛而戰慄也惡水爲陽虛下之又虛胃氣虛寒內甚故裏冷不嗜食陽虛發汗則上焦虛燥故口中傷爛舌

上白胎而煩燥也經曰脉數不解合熱則消穀善飢至六七日不大便者此有瘀血此脉數實不大便六七日熱畜血於內也七日之後邪熱漸解迫血下行必便血也便血發汗陰陽俱虛故小便利

下利脉大者虛也以其強下之故也設脉浮革因爾腸鳴者屬當歸四逆湯主之
脉大爲虛以未應下而下之利因不休也浮者按之不足也革者實大而長微弦也浮爲虛革爲寒寒虛相搏則腸鳴與當歸四逆湯補虛散

寒

辨可下病脉證并治第二十一

大法秋宜下

秋時陽氣下行則邪亦在下故宜下

凡服下藥用湯勝丸中病即止不必盡劑也

湯之為言蕩也滌蕩腸胃既灌藏府推陳燥結

却熱下寒破散邪疫理導潤澤枯槁悅人皮膚

益人血氣水能淨萬物故勝丸散中病即止者

如承氣湯證云若一服利而止後服又曰若一

服譟語止更莫復服是不盡劑也

下利三部脉皆平按之心下鞭者急下之宜大承

氣湯

下利者脉當微厥今反和者此為內實也下利

三部脉平者已為實而又按之心下鞭者則邪

甚也故宜大承氣湯下之

下利脉遲而滑者內實也利未欲止當下之宜大

承氣湯

經曰脉遲者食乾物得之金匱要略曰滑則穀

氣實下利脉遲而滑者胃有宿食也脾胃傷食

不消水穀是致下利者為內實若但以溫中厚

腸之藥利必不止可與大承氣湯下去宿食利
自止矣
問曰人病有宿食何以別之師曰寸口脈浮而大
按之反澁尺中亦微而澁故知有宿食當下之宜大承
氣湯
寸以候外尺以候內浮以候表沉以候裏寸口
脈浮大者氣實血虛也按之反澁尺中亦微而
澁者胃有宿食裏氣不和也與大承氣湯以下
下利不欲食者以有宿食故也當宜下之與大承

廉宿食

氣湯

傷食則惡食故不欲食如傷風惡風傷寒惡寒
之類也

下利差後至其年月日復發者以病不盡故也當
下之宜大承氣湯

乘春則肝先受之乘夏則心先受之乘至陰則
脾先受之乘秋則肺先受之假令春時受病氣
必傷肝治之難愈邪有不盡者至春時元受月
日內外相感邪必復動而痛也下利為腸胃疾
宿積不盡故當下去之

下利脉反滑當有所去下之乃愈宜大承氣湯
脉經曰脉滑者為病食也下利脉滑則內有宿
食故云當有所去與大承氣湯以下宿食
病腹中滿痛者此為實也當下之宜大承氣湯
金匱要略曰病者腹滿按之不痛為虛痛為實
可下之腹中滿痛者裏氣壅實也故可下之
傷寒後脉沉沉者內實也下解之宜大柴胡湯
傷寒後為表已解脉沉為裏未和與大柴胡湯
以下內實經曰傷寒差已後更發熱脉沉實者
以下解之

脉雙弦而遲者必心下鞭脉大而緊者陽中有陰
也可以下之宜大承氣湯

金匱要略曰脉雙弦者寒也經曰遲為在藏脉
雙弦而遲者陰中伏陽也必心下鞭大則為陽
緊則為寒脉大而緊者陽中伏陰也與大承氣
湯以分陰陽

釋音

齧 魚結切 啞也 盥 音貫 澡手也 悵快 上丑亮切 望恨也 下於亮切 不服也
嚶 於耕切 鳥鳴也 漑灌 上居代切 音貫 注也

註解傷寒論卷第九

辨陰陽

辨經絡

辨經絡

辨經絡

辨經絡

傷寒論十卷目錄

卷之一

辨脈法

平脈法

卷之二

傷寒例

辨瘧濕暍脈證并治

卷之三

卷之三

辨太陽病脈證并治中

卷之四

辨太陽病脉證并治下

卷之五

辨陽明病脉證并治

辨少陽病脉證并治

卷之六

辨太陰病脉證并治

辨少陰病脉證并治

辨厥陰病脉證并治

卷之七 卷目錄

辨霍亂病脉證并治

辨陰陽易差病脉證并治

辨不可發汗病脉證并治

辨可發汗病脉證并治

卷之八

辨發汗後病脉證并治

辨不可吐

辨可吐

卷之九

辨不可下病脉證并治

辨可下病脉證并治

卷之十

辨發汗吐下後病脉證并治

辨不可下

辨發汗後病脉證并治

卷之八

辨不可下

辨發汗後病脉證并治

辨不可下

傷寒論目錄終

註解傷寒論卷第十

漢張仲景著

宋成無已註

明汪通值校正

此第十卷第三十二篇凡四十八證前三陰三陽

篇中悉具載之

卷內音釋上卷已有

此已下諸方於隨卷本證下雖已有緣止以加減

言之未甚明白似於覽者檢閱未便今復校勘備

列于後

桂枝加葛根湯主之方

葛根

四兩

芍藥

二兩

甘草

二兩

炙

生薑

三兩

大棗

十二枚

桂枝

二兩

去皮

麻黃

二兩

去節

右七味以水一斗先煮麻黃葛根減二升去上沫

內諸藥煮取三升去滓溫服十升覆取微似汗不

須啜粥餘如桂枝法對和錯并合藥二十三

桂枝加厚朴杏子湯方

用五兩對五

於桂枝湯方內加厚朴二兩杏仁五十箇去皮

尖餘依前法

桂枝加附子湯方

於桂枝湯方內加附子一枚炮去皮破八片餘

依前法木附湯方附於此方內去桂枝加白朮

四兩依前法

桂枝去芍藥湯方

於桂枝湯方內去芍藥餘依前法

桂枝去芍藥加附子湯方

於桂枝湯方內去芍藥加附子一枚炮去皮破

八片餘依前法

桂枝麻黃各半湯方

桂枝一兩十六芍藥

生薑切

甘草炙

麻黃各一兩

大棗四枚

杏仁

二十四箇湯浸去皮尖及兩仁者

右七味以水五升先煮麻黃一二沸去上沫內諸

藥煮取一升八合去滓溫服六合

桂枝二麻黃一湯方

桂枝

一兩十七

芍藥一兩

麻黃十六

生薑

一兩六

杏仁十六箇

甘草

一兩二

大棗

五枚

右七味以水五升先煮麻黃一二沸去上沫內諸

藥煮取二升去滓溫服一升日再

白虎加入參湯方

於白虎湯方內加入參三兩餘依白虎湯法

桂枝去桂加茯苓白朮湯方

於桂枝湯方內去桂枝加茯苓白朮各三兩餘

依前法煎服小便利則愈

已上九方病證並在第二卷內

葛根加半夏湯方

於葛根湯方內加入半夏半升餘依葛根湯法

桂枝加芍藥生薑人參新加湯方

於第二卷桂枝湯方內更加芍藥生薑各一兩
人參三兩餘依桂枝湯法服

梔子甘草豉湯方

於梔子豉湯方內加入甘草二兩餘依前法得
吐止後服

梔子生薑豉湯方

於梔子豉湯方內加生薑五兩餘依前法得吐
止後服

柴胡加芒硝湯方

於小柴胡湯方內加芒硝六兩餘依前法服不

合解更服水一斗漿粳米一升再煎取三升

桂枝加桂湯方

於第二卷桂枝湯方內更加桂二兩共五兩餘

依前法

已上六方病證並在第三卷內

柴胡桂枝湯方

桂枝 去皮

黃芩 二升 人參 各兩 芍藥 去藥

甘草 炙 一兩

半夏 半合 芍藥 一兩 半餘依

大棗 擘 六枚

生薑 半切 柴胡 四兩

右九味以水七升煮取三升去滓溫服

附子瀉心湯方

大黃 二兩 黃連 二兩

黃芩 各一兩 附子 一枚炮去皮

右四味切三味以麻沸湯二升漬之須臾絞去滓

內附子汁分溫再服

生薑瀉心湯方 並并藥三卷內

生薑 四兩 甘草 三兩 人參 三兩

乾薑 一兩 黃芩 三兩 半夏 半升

右八味以水一斗煮取六升去滓再煎取三升溫

服一升日三服

甘草瀉心湯方

甘草 四兩 黃芩 三兩 乾薑 二兩

半夏 半升 洗黃連 一兩 大棗 十二枚

右六味以水一斗煮取六升去滓再煎取三升溫

服一升日三服

黃芩加半夏生薑湯方

於黃芩湯方內加半夏半升生薑一兩半餘依

黃芩湯法服

已上五方病證並在第四卷內

桂枝加大黃湯方

黃桂枝三兩 去皮

大黃 一兩

芍藥 六兩

生薑三兩 切

甘草二兩 炙

大棗十二枚 擘

右六味以水七升煮取三升去滓溫服一升日三

服

桂枝加芍藥湯方其方六升去滓再煎取三升

於第二卷桂枝湯方內更加芍藥三兩隨前共

六兩餘依桂枝湯法

四逆加吳茱萸生薑湯方

當歸三兩 切

芍藥 三兩

甘草二兩 炙

三升

通草 二兩

桂枝三兩 去皮

細辛 三兩

生薑半斤 切

大棗二十五枚 擘

吳茱萸 二升

右九味以水六升清酒六升和煮取五升去滓溫

分五服○一方水酒各四升

已上三方病證並在第六卷內

四逆加人參湯方

於四逆湯方內加入人參一兩餘依四逆湯法服

四逆加豬膽汁湯方

於四逆湯方內加入豬膽汁半合餘依前法服

如無豬膽以羊膽代之

已上二方病證并在第七卷內

本草綱目

卷之十

補遺

四時... 參...

○一... 各四...

○一... 各四...

○一... 各四...

魚草

魚草

魚草

魚草

魚草

